

AMATEGEKO ARABA AMAHERA ARIHWA MU KARERE K'AMASHURE KA SALT LAKE CITY
n'IMFUNYAFUNYO y'AMAHERA AREKURIWE KUTORIHWANA

NIWOBA UKENEYE GUTEGERA IYI NYANDIKO, NYABUNA ITURE BOB MUENCH kuri (801) 578-8378.

Iyi nyobozi yanditswe kugira igufashe kunyuragira mu mategeko n'ivyagirwa AKarere k'Amashure ka Salt Lake City kwubahiriza biraba amahera y'ishure arekuriwe kutorihwa n'ivyo uwurekuriwe kutorihwa ategerejwe kuba akwije.

Incamake y'Ibivugwa

1. Itegeko ryo muri Utah ritanga uruhusha rwo kurihisha amahera kuva mu mwaka w'indwi gushika mu mwaka w'icumi na kabiri. Ibi bisigura ko umunyeshure wawe ategerezwa kurihishwa ivyigwa, ibikoresho, ibikorwa, na porogarama.
2. Amahera yose arihishwa arashobora gukurwako.
3. Abanyeshure bose basavye gukurirwako amahera bakankirwa barashobora kunguruzwa ikibazo cabo.

Amategeko Akarere Kisunga mu Kurako Amahera Arihwa

Iburo bikuru biraba ivy'indero mu Karere k'Amashure ka Salt Lake City vyashinze kandi vyemeye amategeko yisungwa mu kurako amategeko arihwa n'urutonde rw'amahera hisunzwe itegeko rya Reta. Urutonde rw'amategeko, ivyagirwa, n'amahera urashobora kururondera kuri paji y'ingurukanabumenyi y'akarere: slcschools.org/board-of-education/policies/ - scroll down the page and look for S-10: Amahera Umunyeshure Ariha n'Amahera Akurirwako.

Ibigirwa mu Gukurako Amahera Arihwa

Buri muyobozi w'ishure yashizweko nk'umuntu utegerezwa kwihweza kandi agafata ingingo ziraba abasavye gukurirwako amahera. Akarere kiyemeza kuraba neza ko inzira ikurikizwa mu gukurako amahera arihishwa yubahirizwa ata karenganyo, mu butungane, kandi mu buryo bunyarutse. Kandi, akarere karaba neza ko ibigirwa vyirinda, icyeyi, ubuyega, gutega yompi ibidakenewe, be no kugereka umuzigo ku banyeshure n'abavyeyi mu busazi. Igikorwa co gusaba nta kimenyetso kizogira cotuma abantu batahura abariko barasaba gukurirwako amahera, kandi nta banyeshure bo mu karere (atari umunyeshuri nyene umuryango uriko urasaba) bazokwemererwa gufasha mu gikorwa co gusaba Amakuru avuye mu muryango/ku bavyeyi bazogumizwa mu ibanga rikomeye mu gihe cose ico gikorwa kizoba kiriko kirarangurwa.

Kandi, nkundira umenye ko umunyeshure wemerewe gukurirwako amahera ntazokwigera afatwa bitandukanye n'abandi banyeshure, kandi ntazokwigera yerekanwa mu bandi banyeshure, mu bakozi, canke mu bandi bantu badakenye kumenya ayo makuru nk'umunyeshure nk'umunyeshure wakuriweko amahera..

Gukwiza ibisabwa kugira ukurirwako amahera

Umunyeshure yemererwa gukurirwako amahera nimba:

1. uyu mumunyeshure yemerewe indya ya saa sita ku buntu hisunzwe amabwiriza ya USDA
2. uyu munyeshure aronka SSI
3. umuryango w'uwo munyeshure uronswa TANF

4. uyu munyeshure arererwa mu muryango wamwakiriye utamwibarutse, canke
5. uyu munyeshure arerwa ahantu yarungitswe na Reta

Ikindi kandi, nimba ukeneye amahera vyihutirwa bitewe no kuva ku kazi, ingwara ikomeye, canke amahera wama winjiza utakironka bitaguturutseko, umwana wawe ategerezwa kwemererwa gukurirwako amahera naho atoba akwije ibindi bifatirwako. Naho umunyeshure yoba atokwemererwa hisunzwe ingingo ngenderwako, ishure ritegerezwa kumwemerera gukurirwako amahera ryihweje ko asabwe kuriha yoca abura amahirwe yo kugira uruhara ku buryo bwuzuye canke kurangura igisabwa kubera uburyo buke bwo kuriha amahera bw'abavyeyi biwe.

MUgabo, kugira yemererwe gukurirwako amahera, ishure ritegerezwa kuronswa INZANDIKO kugira ritohoze ko umunyeshure akwije ibisabwa kugira yemererwe. Utegerezwa kuzuzwa Inyandiko Isaba gukurirwako Amahera yagenwe ugaca uyirungikira umukuru w'ishure kugira isuzumwe kandi yemezwe. Inyandiko zuzuzwa ziba ziri mu biro bikuru vy'ishure no kuri paji y'ingurukanabumnenyi isigura ivy'amahera y'ishure y'Ibiro Bikuru Bijejwe Indero muri Reta ya Utah ya:

<https://www.schools.utah.gov/schoolfees?mid=4340&tid=3>. Utarateba uhejeje kurungika inyandiko isaba wahejeje kuzuzwa, amahera asabwa azoca ahagarikwa ingingo ya nyuma izofatwa ku bijanye no kwemererwa gukurirwako amahera. Nimba ivyo wasavye bitemewe, ishure rizokurungikira Inginga yafashwe be n'inyandiko yo kuzuzwa usaba kunguruza ingingo. Ifishi izokubarira imvo yatumye ivyo wasavye bitemerwa kandi ikubarira ingene wo kunguruza ingingo. Iyo uriko urunguruza ingingo yo kutemera kugukurirako amahera, ntugomba kuriha amahera gushika ikibazo wunguruje gifatiwe ingingo.

Nimba umunyeshure wawe yemerewe gukurirwako amahera, amahera yose ategerezwa gukurwako, harimo – mugabo si ayo gusa – akwirikira:

Amahera yo kwiandikisha, amahera y'ugutegekaniriza kuriha ibitabu vy'ishure n'ibikoresho vyononekaye, ibikoresho birungikirwa ishure, amakarata y'ukurabirako ingene igikorwa kirangurwa, ibikorwa bitari mu nteguro y'ivyigwa, n'ingufuri z'ukugara zo kw'ishure, amahera yo kuriha ihinguriro ry'ubushakashatsi n'ayo guhaha, amahera arihwa ku myimenyerezo yo kunonora imitsi n'igitambara co kwihanagura, amahera arihwa imyambaro iranga abanyeshure n'ibikoresho bifatiyeko; amahera yo kuriha ingendo zo ku kivi n'amateraniro; amahera yo kuriha ingendo z'ishure canke z'umurwi w'inkino; n'amahera yo kuriha ivyuma vyo gucurarangisha bikoreshwa mu ishure canke mu bikorwa vy'ishure.

Nta kintu kimeze nka “amahera adakurwako” canke “wihitiramo”, mugabo igisubirira amahera akurwako murashobora kucumvikanako ku bintu bimwebimwe, mugabo atari ku mahera y'ibitabu. Ishure ntirishobora kugusaba kuriha mu bice bitandukanye, IOUs, canke hisunzwe izindi nteguro zo kuriha amahera yavuye kurihwa.

Amahera arihwa impeta z'ishure, ibitabo vy'umwaka, amafoto y'ishure, ikote ry'ishure, be n'ibintu bene ivyo si amahera y'ishure kandi ntakeneye gukurwako. Ikindi kandi, iyo umunyeshure wawe ataye canke yononnye amatungo y'ishure, amahera yo kubisubirira canke kubisana ntaharurwa mu maher y'ishure kandi ntakeneye gukurwako. Abanyeshure basabwa kuriha amahera yo kwiandikisha mu mashure abiri icarimwecanke gukurikira ivyigwa biteye imbere. Igice c'amahera afatiye ku buryo bwihariye kuri kaminuza canke ku mashure ari hejuru y'amashure yisumbuye canke ku cigwa co muri kaminuza ntakurwako. Ikindi kandi, abanyeshure bonyene barishe amahera yo gutegekaniriza igitabu canke ibikoresho vyo mw'ishur ni bo bererwa gusubizwa ayo mahera ku mpera y'umwaka.

Ishure n'abakozi bo kw'ishure ntibashobora kugumana, kugabanya, canke kongera amanota canke icigwa, canke banke gutanga amanota, icemezo co kumenya icigwa, ikarata ya raporo, impapuro

z'amanota, canke impapuro z'umutsindo kugira bahatire umunyeshure kuriha. Ishuri rirashobora kugumana inyandiko zemewe z'umunyeshure wabuze canke wononnye amatungo y'ishure; mugabo, ntirigomba kugumana inyandiko zotuma umunyeshure adatonda kw'ishure canke zotuma adashobora kubona ikibanza mw'ishure agiyemo mu buryo bwemewe.

Inzandiko zisungwa mu gukurako amahera NTIzitegerezwa gusabwa buri mwaka buri mwaka mugabo ishure rirashobora kuzisaba igihe cose canke umuvyeyi arashobora gusaba ko zosubira kwihwezwa niyoba afise imvo ifatika. Vyongeye, inzandiko NTIbazoziguma kubera imvo zo gukingira amakuru y'ubuzima bwite. Amashure arashobora kurungikira ayandi mashure umunyeshure yimukiyemo canke yarungitswemo amakuru araba kwemererwa gukurirwako amahera.

Nimba ufise akakubakiye, iture bwa mbere umukuru w'ishure canke umuserukizi w'akarere k'ishure uri ku rutonde rukurikira:

Intwari y'Ishure ibereye n'Ubushobozi bw'Ubushikiranganji (801) 578-8350

Ukeneye naho igopi y'ivyagirwa biraba amahera n'amahera akurwako, nyabuna iture Bob Muench kuri (801) 578-8378.